

春秋左氏古經

春秋左氏古經九

襄公

元年

春王正月公卽位

仲孫蔑會晉欒黶宋華元衛甯殖曹人莒人邾人滕人薛人圍宋彭城

夏晉韓厥帥師伐鄭

厥公羊作屈

仲孫蔑會齊崔杼曹人邾人杞人次于郟

各本作郟公羊作合穀梁郟或

爲合按此郟非奴姓國故穀梁此郟不作繪蓋本作會會合音義皆通一寫作郟再寫譌郟耳杜注郟鄭地在陳畱

襄邑縣東南據此可知鄆乃鄆之誤古者鄭國處於畱鄭伯寄孥與賄於虢鄆以取其國而遷鄭焉而野畱孟康曰畱鄭邑也後爲陳所并故曰陳畱此所次蓋鄭東鄆錯於宋境者古爲鄆地故名之鄆釋文古外之音訛爲才陵反莫能誕正矣。又按僖十四年鄆始見音似陵反以後不爲音惟此鄆字音才陵反恐本是古外反淺人改之也

秋楚公子壬夫帥師侵宋

九月辛酉天王崩

簡王也
靈王立

邾子來朝

冬衛侯使公孫剽來聘

晉侯使荀偃來聘

二年

春王正月葬簡王

鄭師伐宋

夏五月庚寅夫人姜氏薨

六月庚辰鄭伯賁卒

晉師宋師衛甯殖侵鄭

秋七月仲孫蔑會晉荀偃宋華元衛孫林父曹人邾人于戚

己丑葬我小君齊姜

叔孫豹如宋

春秋左傳卷之五十一
冬仲孫蔑會晉荀罃齊崔杼宋華元衛孫林父曹人邾人
滕人薛人小邾人于戚遂城虎牢

楚殺其大夫公子申

三年

春楚公子嬰齊帥師伐吳

公如晉

夏四月壬戌公及晉侯盟于長樛

公至自晉

六月公會單子晉侯宋公衛侯鄭伯莒子邾子齊世子光

己未同盟于雞澤

陳侯使袁僑如會

袁當作
轅下同

戊寅叔孫豹及諸侯之大夫及陳袁僑盟

秋公至自會

冬晉荀偃帥師伐許

四年

春王三月己酉陳侯午卒

夏叔孫豹如晉

秋七月戊子夫人妣氏薨

妣公羊
作弋

春秋左氏古經

襄公

五

葬陳成公

八月辛亥葬我小君定嬀

公羊作定弋

冬公如晉

陳人圍頓

五年

春公至自晉

夏鄭伯使公子發來聘

叔孫豹鄆世子巫如晉

鄆穀梁作緡

仲孫蔑衛孫林父會吳于善道

公穀皆作善稻

秋大雩

楚殺其大夫公子壬夫

公會晉侯宋公陳侯衛侯鄭伯曹伯莒子邾子滕子薛伯

齊世子光吳人郈人于戚

郈穀梁作繪

公至自會

冬成陳

楚公子貞帥師伐陳

公會晉侯宋公衛侯鄭伯曹伯齊世子光救陳十有二月

公至自救陳

按今左經曹伯下無莒子邾子滕子薛伯八字公穀經皆有之不容徐彥陸德明不記其

異同疑唐石
奪文貽誤也

辛未季孫行父卒

六年

春王三月壬午杞伯姑容卒

夏宋華弱來奔

秋葬杞桓公

滕子來朝

莒人滅郟

穀梁作翳

冬叔孫豹如邾

季孫宿如晉

十有二月齊侯滅萊

七年

春邾子來朝

夏四月三卜邾不從乃免牲

小邾子來朝

城費

秋季孫宿如衛

八月螽

公羊作螺

春秋左傳卷之二十一
冬十月衛侯使孫林父來聘壬戌及孫林父盟

楚公子貞帥師圍陳

十有二月公會晉侯宋公陳侯衛侯曹伯莒子邾子于鄆

鄭伯髡頑如會未見諸侯丙戌卒于鄆

髡穀梁本又作郡
或作郡頑公穀皆

作原鄭公

穀皆作操

陳侯逃歸

八年

春王正月公如晉

夏葬鄭僖公

鄭人侵蔡獲蔡公子燮

穀梁作溼
又作燮

季孫宿會晉侯鄭伯齊人宋人衛人邾人于邢丘

公至自晉

莒人伐我東鄙

秋九月大雩

冬楚公子貞帥師伐鄭

晉侯使士匄來聘

九年

春宋

夏季孫宿如晉

五月辛酉夫人姜氏薨

秋八月癸未葬我小君穆姜

冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭十有二月己亥同盟于戲

楚子伐鄭

十年

春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤

夏五月甲午遂滅偃陽

偃陽穀梁作傅陽

公至自會

楚公子貞鄭公孫輒帥師伐宋

晉師伐秦

秋莒人伐我東鄙

公會晉侯宋公衛侯曹伯莒子邾子齊世子光滕子薛伯
杞伯小邾子伐鄭

冬盜殺鄭公子駢公子發公孫輒

駢公殺皆作斐

戊鄭虎牢楚公子貞帥師救鄭

公至自伐鄭

十有一年

春王正月作三軍

夏四月四卜郊不從乃不郊

鄭公孫舍之帥師侵宋

公會晉侯宋公衛侯曹伯齊世子光莒子邾子滕子薛伯
杞伯小邾子伐鄭

秋七月己未同盟于亳城北

亳公穀皆作京徐彥公羊疏曰左氏經作亳城北服氏之

經亦作京城北乃與此傳同也

公至自伐鄭

楚子鄭伯伐宋

公會晉侯宋公衛侯曹伯齊世子光莒子邾子滕子薛伯
杞伯小邾子伐鄭會于蕭魚

公至自會

楚人執鄭行人良霄

冬秦人伐晉

十有二年

春王三月莒人伐我東鄙圍台季孫宿帥師救台遂入鄆

台穀作部又作
台鄭公羊作運

夏晉侯使士魴來聘

魴公羊作彭徐彥曰正本皆作魴若作士彭者誤矣

秋九月吳子乘卒

冬楚公子貞帥師侵宋

公如晉

十有三年

春公至自晉

夏取郟

郟公羊作詩徐彥曰正本皆作郟有作詩者誤

秋七月庚辰楚子審卒

冬城防

十有四年

春王正月季孫宿叔老會晉士句齊人宋人衛人鄭公孫

蠆曹人莒人邾人滕人薛人杞人小邾人會吳于向

蠆公羊作

蠆下皆同

二月乙未朔日有食之

夏四月叔孫豹會晉荀偃齊人宋人衛北宮括鄭公孫蠆

曹人莒人邾人滕人薛人杞人小邾人伐秦

己未衛侯出奔齊

左穀同公羊作衛侯衎

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公孫蠆莒人邾人于戚

十有五年

春宋公使向戌來聘二月己亥及向戌盟于劉劉夏逆王后于齊

夏齊侯伐我北鄙圍成公救成至遇

季孫宿叔孫豹帥師城成郛

秋八月丁巳日有食之

邾人伐我南鄙

冬十有一月癸亥晉侯周卒

周公羊一
本作雕

十有六年

春王正月葬晉悼公

三月公會晉侯宋公衛侯鄭伯曹伯莒子邾子薛伯杞伯

小邾子于溴梁戊寅大夫盟

溴公羊作
臭又作溴

晉人執莒子邾子以歸

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

秋齊侯伐我北鄙圍郕

左郕音成公穀皆作成

大雩

冬叔孫豹如晉

十有七年

春王二月庚午邾子貜卒

邜公穀皆作闕

宋人伐陳

夏衛石買帥帥伐曹

秋齊侯伐我北鄙圍桃

桃公羊作洮

高厚帥師伐我北鄙圍防

左經無齊字唐石不誤公穀皆有之左無者以傳考之此與上

齊侯伐我北鄙圍桃非有二事也

九月大雩

宋華臣出奔陳

冬邾人伐我南鄙

十有八年

春白狄來

夏晉人執衛行人石買

秋齊師伐我北鄙

冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊

曹伯負芻卒于師

楚公子午帥師伐鄭

十有九年

春王正月諸侯盟于祝柯

公羊作祝阿

晉人執邾子

公至自伐齊

取邾田自澗水

季孫宿如晉

葬曹成公

夏衛孫林父帥師伐齊

秋七月辛卯齊侯環卒

環公羊作瑗

晉士匄帥師侵齊至穀聞齊侯卒乃還

八月丙辰仲孫蔑卒

齊殺其大夫高厚

鄭殺其大夫公子嘉

公羊作喜

冬葬齊靈公

城西郭

叔孫豹會晉士匄于柯

城武城

二十年

春王正月辛亥仲孫速會莒人盟于向

速公羊作邀下皆同

夏六月庚申公會晉侯齊侯宋公衛侯鄭伯曹伯莒子邾

子滕子薛伯杞伯小邾子盟于澶淵

秋公至自會

仲孫速帥師伐邾

蔡殺其大夫公子變

變殺梁
作涇

蔡公子履出奔楚

陳侯之弟黃出奔楚

黃公穀
皆作光

叔老如齊

冬十月丙辰朔日有食之

季孫宿如宋

二十有一年

春王正月公如晉

邾庶其以漆聞丘來奔

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之

曹伯來朝

公會晉侯齊侯宋公衛侯鄭伯曹伯莒子邾子于商任

是年

之未公穀有庚子孔子生五字公羊一作十有一月庚子孔子生唐石經經傳不可分要爲作傳者所記非經語也

馬端臨以爲二
家經語非是

二十有二年

春王正月公至自會

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾子薛伯杞
伯小邾子于沙隨

公至自會

楚殺其大夫公子追舒

春秋左氏古經

襄公

美

二十有三年

春王二月癸酉朔日有食之

三月己巳杞伯匄卒

己巳胡安國本譌乙巳

夏邾畀我來奔

公羊作邾婁鼻我來奔

葬杞孝公

陳殺其大夫慶虎及慶寅

陳侯之弟黃自楚歸于陳

黃公穀皆作光

晉欒盈復入于晉入于曲沃

秋齊侯伐衛遂伐晉

八月叔孫豹帥師救晉次于雍榆

榆公穀皆作渝

孫速卒

冬十月乙亥臧孫紇出奔邾

晉人殺欒盈

齊侯襲莒

二十有四年

春叔孫豹如晉

仲孫鞮帥師侵齊

羯公羊作偁又作謁亦作羯

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞伯

小邾子于夷儀

夷儀公羊
作陳儀

冬楚子蔡侯陳侯許男伐鄭

公至自會

陳鍼宜咎出奔楚

鍼公羊
作成

叔孫豹如京師

大饑

二十有五年

春齊崔杼帥師伐我北鄙

夏五月乙亥齊崔杼弑其君光

公會晉侯宋公衛侯鄭伯曹伯莒子邾子滕子薛伯杞伯

小邾子于夷儀

公羊作陳儀

六月壬子鄭公孫舍之帥師入陳

秋八月己巳諸侯同盟于重丘

公至自會

衛侯入于夷儀

公羊作陳儀

楚屈建帥師滅舒鳩

冬鄭公孫夏帥師伐陳

夏公羊作曠徐彥云公孫曠云云亦有一本作公孫蕪字者誤

十有二月吳子遏伐楚門于巢卒

遏公穀皆作闕

二十有六年

春王二月辛卯衛甯喜弑其君剽

衛孫林父入于戚以叛

甲午衛侯衍復歸于衛

衍穀梁亦作衍

夏晉侯使荀吳來聘

公會晉人鄭良霄宋人曹人于澶淵

秋宋公殺其世子痤

晉人執衛甯喜

八月壬午許男甯卒于楚

冬楚子蔡侯陳侯伐鄭

葬許靈公

二十有七年

春齊侯使慶封來聘

春秋左氏古經

襄公

禿

夏叔孫豹會晉趙武楚屈建蔡公孫歸生衛石惡陳孔魚

鄭良霄許人曹人于宋

魚公羊
作瑗

衛殺其大夫甯喜

衛侯之弟鱣出奔晉

鱣穀梁
作專

秋七月辛巳豹及諸侯之大夫盟于宋

冬十有二月乙亥朔日有食之

二十有八年

春無冰

夏衛石惡出奔晉

邾子來朝

秋八月大雩

仲孫羯如晉

冬齊慶封來奔

十有一月公如楚

十有二月甲寅天王崩

靈王也
景王立

乙未楚子昭卒

二十有九年

春王正月公在楚

春秋左氏古經

襄公

羊

夏五月公至自楚

庚午衛侯衎卒

闞弒吳子餘祭

弒釋文作殺誤也說詳哀四年

仲孫羯會荀盈齊高止宋華定衛世叔儀鄭公孫段曹人

莒人滕人薛人小邾人城杞

公羊作世叔齊徐彥曰左氏經作大叔儀按今左經作世

叔儀昭卅二年左經世叔申哀十一年左經世叔齊則左經作世叔無疑左傳乃皆作大叔耳依杜氏大叔文子儀之孫爲大叔懿子申申生大叔悼子疾疾弟遺疾卽齊也然則公羊襄廿九年經世叔齊乃是世叔儀之誤謂齊卽儀非也自襄廿九年至哀十一年世叔齊奔宋凡六十一年儀齊必非一人

晉侯使士鞅來聘

杞子來盟

吳子使札來聘

秋九月葬衛獻公

齊高止出奔北燕

冬仲孫羯如晉

三十年

春王正月楚子使薳罷來聘

罷公羊作
頗一作跛

夏四月蔡世子般弑其君固

般左穀皆
又作班

五月甲午宋災宋伯姬卒

天王殺其弟佖夫

佖夫公羊作年夫

王子瑕奔晉

秋七月叔弓如宋葬宋共姬

鄭良霄出奔許自許入于鄭鄭人殺良霄

冬十月葬蔡景公

晉人齊人宋人衛人鄭人曹人邾人滕人薛人杞人小邾人會于澶淵宋災故

三十有一年

春王正月

夏六月辛巳公薨于楚宮

秋九月癸巳子野卒

己亥仲孫羯卒

冬十月滕子來會葬

癸酉葬我君襄公

十有一月莒人弑其君密州

傳云書曰莒人弑其君買朱鉏於雙聲疊韻相合疑左以

莒語訓中國語也

春秋古經九篇終

公羊經八卷終

穀梁經八卷終

春秋左氏古經十

昭公

元年

春王正月公卽位

叔孫豹會晉趙武楚公子圍齊國弱宋向戌衛齊惡陳公

子招蔡公孫歸生鄭罕虎許人曹人于號

國弱公羊作國酌徐彥曰公羊

亦有作國弱者罕公羊作軒號公作鄒穀作郭

三月取鄆

公羊作運

夏秦伯之弟鍼出奔晉

六月丁巳邾子華卒

晉荀吳帥師敗狄于大鹵

大鹵公穀皆作大原

秋莒去疾自齊入于莒

莒展與出奔吳

叔弓帥師疆鄆田

鄆公羊作運

葬邾悼公

冬十有一月己酉楚子麇卒

麇公穀皆作卷徐彥曰左氏作麇二小傳本亦有作麇者

楚公子比出奔晉

二年

春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復

季孫宿如晉

三年

春王正月丁未滕子原卒

夏叔弓如滕

五月葬滕成公

秋小邾子來朝

八月大雩

冬大雨雹

北燕伯款出奔齊

四年

春王正月大雨雹

公穀皆作大雨雪徐彥公羊疏云正本皆作雹左經亦作雹賈氏云穀梁作雪

今公羊有作雪者誤也

夏楚子蔡侯陳侯鄭伯許男徐子滕子頓子胡子沈子小

邾子宋世子佐淮夷會于申

楚人執徐子

秋七月楚子蔡侯陳侯許男頓子胡子沈子淮夷伐吳執

齊慶封殺之遂滅賴

公穀皆作厲

九月取郟

殺梁作贈

冬十有二月乙卯叔孫豹卒

五年

春王正月舍中軍

楚殺其大夫屈申

公如晉

夏莒牟夷以牟婁及防茲來奔

秋七月公至自晉

戊辰叔弓帥師敗莒師于蚡泉

公羊作潰泉
穀梁作賁泉

秦伯卒

冬楚子蔡侯陳侯許男頓子沈子徐人越人伐吳

六年

春王正月杞伯益姑卒

葬秦景公

夏季孫宿如晉

葬杞文公

宋華合比出奔衛

秋九月大雩

楚薳罷帥師伐吳

徐彥公羊疏作薦願

冬叔弓如楚

齊侯伐北燕

七年

春王正月暨齊平

三月公如楚

叔孫婁如齊涖盟

婁公羊作舍下皆同

夏四月甲辰朔日有食之

秋八月戊辰衛侯惡卒

九月公至自楚

冬十有一月癸未季孫宿卒

十有二月癸亥葬衛襄公

八年

春陳侯之弟招殺陳世子偃師

夏四月辛丑陳侯溺卒

叔弓如晉

楚人執陳行人于徵師殺之

陳公子畱出奔鄭

秋蒐于紅

蒐公羊作廋亦作蒐

陳人殺其大夫公子過

大雩

冬十月壬午楚師滅陳執陳公子招放之于越殺陳孔魚

魚公羊

作殽

葬陳哀公

九年

春叔弓會楚子于陳

許遷于夷

夏四月陳災

公穀皆作火

秋仲孫貜如齊

冬築郎囿

十年

春王正月

夏齊樂施來奔

秋七月季孫意如叔弓仲孫貜帥師伐莒

意如公羊作隱如下皆同

戊子晉侯彪卒

九月叔孫婁如晉葬晉平公

婁公羊作舍

十有二月甲子宋公成卒

按十有二月之上無冬字見中庸正義今三經皆尚不誤。成

公羊作戌故昭元年何注曰宋向戌衛齊惡皆與君同名公羊釋文曰讀左傳者音城何云向戌與君同名則宜音恤玉裁按左成公戌異字陸意據何則左經爲譌字也

十有一年

春王二月叔弓如宋葬宋平公

夏四月丁巳楚子虔誘蔡侯般殺之于申

虔穀梁或作乾

楚公子棄疾帥師圍蔡

五月甲申夫人歸氏薨

大蒐于比蒲

仲孫貜會邾子盟于祫祥

祫祥公羊作侵羊。徐彥曰穀梁作侵祥服氏注引者直作詳

無侵字玉裁按據陸氏釋文穀同左作祫祥而徐彥云穀上字作侵服引穀經但有祥一字爲地名可見古本不同至多釋文不能盡載也

季孫意如會晉韓起齊國弱宋華亥衛北宮佗鄭罕虎曹

人杞人于厥憇

意公羊作隱弱公羊作酌罕公羊作軒厥憇公羊作屈銀。徐彥曰國酌賈氏作酌

與此同服氏及穀梁皆作弱字也屈銀左氏穀梁作厥憇字

九月己亥葬我小君齊歸

冬十有一月丁酉楚師滅蔡執蔡世子有以歸用之

十有二年

春齊高偃帥師納北燕伯于陽

三月壬申鄭伯嘉卒

夏宋公使華定來聘

公如晉至河乃復

五月葬鄭簡公

楚殺其大夫成熊

成熊今公羊作成然穀梁作成虎徐彥曰左氏作成熊穀梁作成虎字按今穀

梁作虎殆非也然與熊字之誤虔與然聲之轉也作虔則與楚靈王君臣同名

秋七月

冬十月公子愁出奔齊

愁公羊作整或作憇按憇作整者字形之誤左傳釋文云愁一讀爲

整非也憇不得有整音

楚子伐徐

晉伐鮮虞

十有三年

春叔弓帥師圍費

夏四月楚公子比自晉歸于楚弑其君虔于乾谿

楚公子棄疾殺公子比

殺公羊經作弑按左殺皆作殺公羊作弑譌字也上言弑則下當云

其君比不當云公子比矣下言公子比則上當云殺不當云弑矣比雖自立爲王然聖人正其罪曰弑其君虔則殺之可也不云楚人殺云公子棄疾殺者惡棄疾非討賊志在自立爲王也

秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘

八月甲戌同盟于平丘公不與盟

晉人執季孫意如以歸

意公羊作隱下皆同

公至自會

蔡侯廬歸于蔡陳侯吳歸于陳

按依二十年音義左經此亦當作廬

冬十月葬蔡靈公

公如晉至河乃復

吳滅州來

十有四年

春意如至自晉

三月曹伯滕卒

夏四月

秋葬曹武公

八月莒子去疾卒

冬莒殺其公子意恢

十有五年

春王正月吳子夷末卒

公羊作夷昧音末本亦作末

二月癸酉有事于武宮簡人叔弓卒去樂卒事

夏蔡朝吳出奔鄭

公羊作昭吳奔鄭徐彥曰左氏穀梁皆言朝吳出奔鄭今此作昭吳字又不言

出者所見
之文異

六月丁巳朔日有食之

秋晉荀吳帥師伐鮮虞

冬公如晉

十有六年

春齊侯伐徐

楚子誘戎蠻子殺之

戎蠻公羊作戎
曼哀四年同

夏公至自晉

秋八月己亥晉侯夷卒

九月大雩

季孫意如如晉

冬十月葬晉昭公

十有七年

春小邾子來朝

夏六月甲戌朔日有食之

秋邾子來朝

八月晉荀吳帥師滅陸渾之戎

陸公羊作賁公穀皆無之字

冬有星孛于大辰

楚人及吳戰于長岸

十有八年

春王三月曹伯須卒

夏五月壬午宋衛陳鄭災

六月邾人入郟

秋葬曹平公

冬許遷于白羽

十有九年

春宋公伐邾

夏五月戊辰許世子止弑其君買

己卯地震

秋齊高發帥師伐莒

冬葬許悼公

二十年

春王正月

夏曹公孫會自郟出奔宋

秋盜殺衛侯之兄縶

公穀昏
作輒

冬十月宋華亥向寧華定出奔陳

寧公羊
作甯

十有一月辛卯蔡侯廬卒

廬又作廬公
穀皆作廬

二十有一年

春王三月葬蔡平公

夏晉侯使士鞅來聘

宋華亥向寧華定自陳入于宋南里以叛

寧公羊作甯徐彥曰左氏穀梁

皆作南里而賈氏云穀梁曰南鄙蓋所見異也

秋七月壬午朔日有食之

八月乙亥叔輒卒

公羊作叔恹

冬蔡侯朱出奔楚

朱穀梁作東傳曰東者東國也按穀梁蓋非

公如晉至河乃復

二十有二年

春齊侯伐莒

宋華亥向寧華定自宋南里出奔楚

寧公羊作甯

大蒐于昌間

公羊作大蒐于昌姦蒐亦作蒐

夏四月乙丑天王崩

景王也三子猛空爲悼王

六月叔鞅如京師

葬景王

王室亂

劉子單子以王猛居于皇

秋劉子單子以王猛入于王城

冬十月王子猛卒

敬王立

十有二月癸酉朔日有食之

二十有三年

春王正月叔孫婁如晉

癸丑叔鞅卒

晉人執我行人叔孫婁

晉人圍郊

夏六月蔡侯東國卒于楚

秋七月莒子庚與來奔

戊辰吳敗頓胡沈蔡陳許之師于雞父胡子髡沈子逞滅

獲陳夏齧

逞公羊作楹
穀梁作盈

天王居于狄泉

尹氏立王子朝

八月乙未地震

冬公如晉至河有疾乃復

二十有四年

春王二月丙戌仲孫矍卒

婚至自晉

穀梁同公羊作叔孫舍至自晉
此經有去族不去族之異也

夏五月乙未朔日有食之

秋八月大雩

丁酉杞伯郁釐卒

郁公羊作鬱徐彥曰公羊今正本亦有郁字者

冬吳滅巢

葬杞平公

二十有五年

春叔孫婁如宋

公羊作舍

夏叔詣會晉趙鞅宋樂大心衛北宮喜鄭游吉曹人邾人

滕人薛人小邾人于黃父

詣公穀皆作倪樂大心公羊作樂世心徐彥曰叔倪穀梁同左

氏經賈注者

作叔詣字

有鸛鶴來巢

鸛公羊作鸛音權

秋七月上辛大雩季辛又雩

九月己亥公孫于齊次于陽州

陽公羊作揚亦作揚

齊侯唁公于野井

冬十月戊辰叔孫婁卒

公羊作舍

十有一月己亥宋公佐卒于曲棘

十有二月齊侯取鄆

公羊作運

二十有六年

春王正月葬宋元公

三月公至自齊居于鄆

公羊作運下同

夏公圍成

秋公會齊侯莒子邾子杞伯盟于鄆陵

鄆公羊作
鄆亦作鄆

公至自會居于鄆

九月庚申楚子居卒

冬十月天王入于成周

尹氏召伯毛伯以王子朝奔楚

二十有七年

春公如齊公至自齊居于鄆

夏四月吳弑其君僚

楚殺其大夫卻宛

秋晉士鞅宋樂邲犁衛北宮喜曹人邾人滕人會于扈

冬十月曹伯午卒

邾快來奔

公如齊公至自齊居于鄆

二十有八年

春王三月葬曹悼公

公如晉次于乾侯

夏四月丙戌鄭伯寧卒

寧公羊作甯

六月葬鄭定公

秋七月癸巳滕子寧卒

寧公羊
作甯

冬葬滕悼公

二十有九年

春公至自乾侯居于鄆齊侯使高張來唁公

公如晉次于乾侯

夏四月庚子叔詣卒

詣公羊
作倪

秋七月

冬十月鄆潰

三十年

春王正月公在乾侯

夏六月庚辰晉侯去疾卒

秋八月葬晉頃公

冬十有二月吳滅徐徐子章羽奔楚

三十有一年

春王正月公在乾侯

季孫意如會晉荀躒于適歷

躒公殺皆作
躒殺舊作躒

夏四月丁巳薛伯殺卒

晉侯使荀躒唁公于乾侯

躒公殺皆作樂

秋葬薛獻公

冬黑肱以濫來奔

肱公羊作弓

十有二月辛亥朔日有食之

三十有二年

春王正月公在乾侯取闕

夏吳伐越

秋七月

冬仲孫何忌會晉韓不信齊高張宋仲幾衛世叔申鄭國

參曹人莒人薛人杞人小邾人城成周

世叔申穀梁
作大叔申

十有二月己未公薨于乾侯

春秋古經十篇終

公羊經九卷終

穀梁經九卷終

春秋左氏古經十一

定公

元年

春王三月晉人執宋仲幾于京師

夏六月癸亥公之喪至自乾侯

戊辰公卽位

秋七月癸巳葬我君昭公

九月大雩

立煬宮

冬十月隕霜殺菽

隕公羊作實

二年

春王正月

夏五月壬辰雉門及兩觀災

秋楚人伐吳

冬十月新作雉門及兩觀

三年

春王正月公如晉至河乃復

二月辛卯邾子穿卒

徐彥曰公殺皆作三月左氏作二月未知孰正

夏四月

秋葬邾莊公

冬仲孫何忌及邾子盟于拔

拔公羊作枝按枝蓋誤字正如今論語注公孫拔作公孫

四年

春王二月癸巳陳侯吳卒

三月公會劉子晉侯宋公蔡侯衛侯陳子鄭伯許男曹伯
莒子邾子頓子胡子滕子薛伯杞伯小邾子齊國夏于召
陵侵楚

夏四月庚辰蔡公孫姓帥師滅沈以沈子嘉歸殺之

公孫姓公

羊作公孫歸姓按歸姓即歸生也釋文姓音生

五月公及諸侯盟于皐鼬

皐鼬公羊作浩油

杞伯成卒于會

成公羊作戊音茂又音恤按又音恤是公羊又作戊也

六月葬陳惠公

許遷于容城

秋七月公至自會

劉卷卒

葬杞悼公

楚人圍蔡

晉士鞅衛孔圉帥師伐鮮虞

圉公羊作圍虞
公羊或作吳

葬劉文公

冬十有一月庚午蔡侯以吳子及楚人戰于柏舉楚師敗

績楚囊瓦出奔鄭

柏穀梁作伯
舉公羊作莒

庚辰吳入郢

郢公穀
皆作楚

五年

春王三月辛亥日有食之

三月今本公羊
作正月蓋誤字

夏歸粟于蔡

定公

星

於越入吳

六月丙申季孫意如卒

意公羊作隱

秋七月壬子叔孫不敢卒

冬晉士鞅帥師圍鮮虞

六年

春王正月癸亥鄭游速帥師滅許以許男斯歸

速公羊作邀

二月公侵鄭

公至自侵鄭

夏季孫斯仲孫何忌如晉

秋晉人執宋行人樂祁犁

冬城中城

季孫斯仲孫忌帥師圍鄆

徐彥公羊疏曰仲孫忌古本無何字有者誤也穀梁及賈經皆

無何字又哀十三年經云晉魏多帥師侵衛傳云此晉魏曼多也曷爲謂之晉魏多議二名二名非禮也以此言之則此經無何明矣而賈氏云公羊曰仲孫何忌者蓋誤王裁按定六年夏日仲孫何忌冬則曰仲孫忌哀七年曰魏曼多十三年則曰魏多故公羊釋之此三經所同也今本左穀經定六年冬仲孫忌皆不誤哀十三年皆誤衍曼字校書者之不慎也若胡安國本則皆妄增矣

七年

春王正月

定公

夏四月

秋齊侯鄭伯盟于鹹

齊人執衛行人北宮結以侵衛

齊侯衛侯盟于沙

沙公羊作沙澤

大雩

齊國夏帥師伐我西鄙

九月大雩

冬十月

八年

春王正月公侵齊

公至自侵齊

二月公侵齊

三月公至自侵齊

曹伯露卒

夏齊國夏帥師伐我西鄙

公會晉師于瓦

公至自瓦

秋七月戊辰陳侯柳卒

春秋左傳卷之六 定公

五

晉士鞅帥師侵鄭遂侵衛

葬曹靖公

靖公羊作
靖亦作靖

九月葬陳懷公

季孫斯仲孫何忌帥師侵衛

冬衛侯鄭伯盟于曲濮

從祀先公

盜竊寶玉大弓

九年

春王正月

夏四月戊申鄭伯蠆卒

蠆公羊作蠆

得寶玉大弓

六月葬鄭獻公

秋齊侯衛侯次于五氏

秦伯卒

冬葬秦哀公

十年

春王三月及齊平

夏公會齊侯于夾谷公至自夾谷

夾公穀皆作賴

晉趙鞅帥師圍衛

齊人來歸鄆謹龜陰田

鄆公穀作運

叔孫州仇仲孫何忌帥師圍郕

秋叔孫州仇仲孫何忌帥師圍郕

此郕公羊作費徐彥曰左氏穀梁此費字皆爲

郕但公羊正本作費字與二家異賈氏不云公羊曰費者蓋文不備或所見異也

宋樂大心出奔曹

大公羊作世徐彥曰世字亦作泄字故賈氏言焉左氏穀梁作大

宋公子地出奔陳

地公羊作池十一年同

冬齊侯衛侯鄭游速會于安甫

速公羊作邀安甫公羊作鞌祗一字徐彥曰穀梁甫

亦有作甫者

叔孫州仇如齊

宋公之弟辰暨仲佗石彊出奔陳

十有一年

春宋公之弟辰及仲佗石彊公子地自陳入于蕭以叛

夏四月

秋宋樂大心自曹入于蕭

大公羊作世

冬及鄭平叔還如鄭涖盟

十有二年

春薛伯定卒

定公

庚

夏葬薛襄公

叔孫州仇帥師墮郟

衛公孟彊帥師伐曹

季孫斯仲孫何忌帥師墮費

秋大雩

冬十月癸亥公會齊侯盟于黃

齊公羊作晉唐石經誤字也

十有一月丙寅朔日有食之

公至自黃

十有二月公圍成公至自圍成

十有三年

春齊侯衛侯次于垂葭

葭公羊作瑕

夏築蛇淵囿

大蒐于比蒲

蒐公羊作廋又作蒐

衛公孟彊帥師伐曹

秋晉趙鞅入于晉陽以叛

冬晉荀寅士吉射入于朝歌以叛

晉趙鞅歸于晉

薛弒其君比

十有四年

春衛公叔戌來奔

春秋宋公戌向戌皆十二辰之戌也衛公叔戌則戌守字傷遇切世本衛獻公

生成子當當生文子拔拔生朱朱與戌音近與戌不相近也檀弓公叔木鄭君曰木當爲朱

衛趙陽出奔宋

公穀皆作晉趙陽汲古閣公羊作晉趙鞅誤也

二月辛巳楚公子結陳公孫佗人帥師滅頓以頓子牂歸

陳公孫公羊作陳公子牂公羊作牂徐彥曰左穀皆作頓子牂字賈氏不注文不備

夏衛北宮結來奔

五月於越敗吳于檇李

檇公羊作醉又作雋

吳子光卒

公會齊侯衛侯于牽

牽公羊作堅又作擊

公至自會

秋齊侯宋公會于洮

天王使石尙來歸賑

衛世子蒯聵出奔宋

衛公孟彊出奔鄭

宋公之弟辰自蕭來奔

大蒐于比蒲

公羊蓋亦作大廩

邾子來會公

春秋左傳卷之五 定公

城莒父及霄

此平無冬杜曰闕文何氏別有說范氏云未詳

十有五年

春王正月邾子來朝

麇鼠食郊牛牛死改卜牛

二月辛丑楚子滅胡以胡子豹歸

夏五月辛亥郊

壬申公薨于高寢

鄭罕達帥師伐宋

罕公羊作軒

齊侯衛侯次于渠蔆

渠蔆公羊作籩蔆徐彥曰左氏作籩罕字賈氏無說文不備也按今左經

作渠陸傳作籩
掣徐彥語不詳

邾子來奔喪

秋七月壬申嬖氏卒

嬖氏穀梁作弋氏按襄公母嬖氏左穀作嬖公羊作弋何休云莒女哀公

母嬖氏左公羊作嬖穀梁作弋何休云杞女當攷

八月庚辰朔日有食之

九月滕子來會葬

丁巳葬我君定公雨不克葬戊午日下吳乃克葬

辛巳葬定嬖

定嬖穀梁作定弋

冬城漆

定公

春秋古經十一篇終
公羊經十卷終
穀梁經十卷

終

春秋左氏古經十二

哀公

按哀字聖經本無後人所加

元年

春王正月公卽位

楚子陳侯隨侯許男圍蔡

鼪鼠食郊牛改卜牛

穀梁經本有角字其傳了然今無非也
范例云不言傷處誤據左公羊耳

孫志祖說

夏四月辛巳郊

秋齊侯衛侯伐晉

冬仲孫何忌帥師伐邾

二年

春王二月季孫斯叔孫州仇仲孫何忌帥師伐邾取濶東
田及沂西田

癸巳叔孫州仇仲孫何忌及邾子盟于句繹

夏四月丙子衛侯元卒

滕子來朝

晉趙鞅帥師納衛世子蒯聵于戚

秋八月甲戌晉趙鞅帥師及鄭罕達帥師戰于鐵鄭師敗

績罕公羊作軒鐵公羊作栗亦作秩徐彥公羊疏曰諸家之經軒達下有帥師惟服引釋者無與諸家異于鐵三家同有作栗字者誤也今定本作栗字

冬十月葬衛靈公

十有一月蔡遷于州來

蔡殺其大夫公子駟

三年

春齊國夏衛石曼姑帥師圍戚

夏四月甲午地震

五月辛卯桓宮僖宮災

季孫斯叔孫州仇帥師城啟陽

啟公羊作開

宋樂髡帥師伐曹

秋七月丙子季孫斯卒

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾

四年

春王二月庚戌盜弑蔡侯申

弑釋文作殺非也今正按公殺皆作弑唐石經公穀不誤

也公穀皆曰稱盜以弑則其經之作弑明矣左經作殺誤字耳未有虐賊國君而不書弑者蓋治釋文及唐石經之

誤杜注不言弑其君者謂言蔡侯申不言其君非謂言殺
不言弑襄廿九年開弑吳子餘祭同此。陸氏曰宣十七
年蔡侯申卒是文侯今昭侯是其立孫不容與高祖
同名未詳孰誤今按史記此作昭侯甲則此申字誤
蔡公孫辰出奔吳

葬秦惠公

宋人執小邾子

夏蔡殺其大夫公孫姓公孫霍

公孫姓公羊
作公孫歸姓

晉人執戎蠻子赤歸于楚

蠻公羊
作曼

城西郛

六月辛丑亳社災

亳公羊作蒲徐彥引
賈氏云公羊曰蒲社

秋八月甲寅滕子結卒

冬十有二月葬蔡昭公

葬滕頃公

五年

春城毗

毗公羊作比
又作芑作庇

夏齊侯伐宋

晉趙鞅帥師伐衛

秋九月癸酉齊侯杵臼卒

杵公羊
作處

冬叔還如齊

閏月葬齊景公

六年

春城邾瑕

邾瑕公羊作邾婁葭

晉趙鞅帥師伐鮮虞

吳伐陳

夏齊國夏及高張來奔

叔還會吳于柤

秋七月庚寅楚子軫卒

齊陽生入于齊齊陳乞弑其君荼

荼公羊作舍

冬仲孫何忌帥師伐邾

宋向巢帥師伐曹

七年

春宋皇瑗帥師侵鄭

晉魏曼多帥師侵衛

夏公會吳于鄆

穀梁作緡

秋公伐邾八月己酉入邾以邾子益來

宋人圍曹

冬鄭駟弘帥師救曹

八年

春王正月宋公入曹以曹伯陽歸

吳伐我

夏齊人取讎及闞

闞公羊作
僎下同

歸邾子益于邾

秋七月

冬十有二月癸亥杞伯過卒

齊人歸讎及闞

九年

春秋左傳卷之二十一
春王二月葬杞僖公

宋皇瑗帥師取鄭師于雍丘

夏楚人伐陳

秋宋公伐鄭

冬十月

十年

春王二月邾子益來奔

公會吳伐齊

三月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于衛

薛伯夷卒

夷公羊
作寅

秋葬薛惠公

冬楚公子結帥師伐陳吳救陳

十有一年

春齊國書帥師伐我

夏陳轅頤出奔鄭

轅公羊作袁按僖四年陳袁濤塗釋文曰袁本多作轅此則直作从車字皆傳

寫之不

一也

五月公會吳伐齊

甲戌齊國書帥師及吳戰于艾陵齊師敗績獲齊國書

秋七月辛酉滕子虞母卒

冬十有一月葬滕隱公

衛世叔齊出奔宋

十有二年

春用田賦

夏五月甲辰孟子卒

公會吳于橐臯

秋公會衛侯宋皇瑗于郟

郟公羊作運

宋向巢帥師伐鄭

冬十有二月螽

公羊作螺

十有三年

春鄭罕達帥師取宋師于品

罕公羊作軒

夏許男成卒

成本或作戌公羊作戌亦作成穀梁作成按戌音恤

公會晉侯及吳子于黃池

楚公子申帥師伐陳

於越入吳

秋公至自會

晉魏曼多帥師侵衛

魏曼多公羊作魏多傳云譏二名

葬許元公

九月螽

公羊作螽下同

冬十有一月有星孛于東方

盜殺陳夏區夫

夏公羊一本作廉區公羊作區一作姬

十有二月蝨

十有四年

春西狩獲麟

左氏經以下至十六年夏四月己丑孔子卒乃終欲存孔子卒故錄魯史之文公穀無是

也

春秋古經十二篇終 公羊經十一卷終 穀梁經十

一卷終

春秋左氏傳五十凡

隱公七年春滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之禮經九年春王三月癸酉大雨霖以震書始也庚辰大雨雪亦如之書時失也凡雨自三日以往爲霖平地尺爲大雪按言大雨必三日而後爲大雨是爲霖經云大雨傳云大雨霖經略傳詳也必平地尺而後爲大雪是爲大雨雪杜云經當有霖字非也凡傳之述經文與經略有不同者寓訓詁於述經中也如元年春王周正月非述經文乎而云王周者所以釋王字

十一年冬十月鄭伯以虢師伐宋大敗宋師宋不來告故

不書凡諸侯有命告則書不然則否師出滅否亦如之雖及滅國滅不告敗勝不告克不書於策

桓公元年秋大水凡平原出水爲大水

二年公及戎盟於唐修舊好也冬公至自唐告於廟也凡公行告於宗廟反行飲至舍爵策勳焉禮也特相會往來稱地讓事也自參以上則往稱地來稱會成事也

三年秋公子翬如齊逆女修先君之好故曰公子齊侯送姜氏非禮也凡公女嫁於敵國姊妹則上卿送之以禮於先君公子則下卿送之於大國雖公子亦上卿送之於天

子則諸卿皆行公不自送於小國則上大夫送之

五年秋大雩書不時也凡祀啟蟄而郊龍見而雩始殺而嘗閉蟄而蒸過則書

九年春紀季姜歸於京師凡諸侯之女行惟王后書

莊公三年冬公次於滑凡師一宿爲舍再宿爲信過信爲次

十一年夏宋爲乘丘之役故侵我公禦之宋師未陳而薄之敗諸鄆凡師敵未陳曰敗某師皆陳曰戰大奔曰敗績得僇曰克覆而敗之曰取某師京師敗曰王師敗績於某

二十五年夏六月辛未朔日有食之。馛用牲于社，非常也。惟正月之朔，慝未作，日有食之，于是乎用幣於社，伐馛於朝。秋大水，馛用牲于社，于門亦非常也。凡天災有幣無牲，非日月之眚不馛。

二十七年冬杞伯姬來歸寧也。凡諸侯之女歸寧曰來，出曰來歸。夫人歸寧曰如某，出曰歸於某。

二十八年冬築郿，非都也。凡邑有宗廟先君之主曰都，無曰邑。邑曰築，都曰城。

二十九年春新延廡，書不時也。凡馬日中而出口，中而入。

夏鄭人侵許凡師有鐘鼓曰伐無曰侵輕曰襲

秋有蜚爲災也凡物不爲災不書

冬十二月城諸及防書時也凡土功龍見而畢務戒事也
火見而致用水昏正而裁日至而畢

三十一年夏齊侯來獻戎捷凡諸侯有四夷之功則獻於
王王以警於夷中國則否諸侯不相遺俘

僖公元年夏邢遷於夷儀諸侯城之救患也凡侯伯救患
分災討罪禮也

四年春齊侯以諸侯之師侵蔡蔡潰遂伐楚許穆公卒於

師葬之以侯禮也凡諸侯薨於朝會加一等死王事加二
等於是有所以衰斂

五年春王正月辛亥朔日南至公既視朔遂登觀臺以望
而書禮也凡分至啟閉必書雲物爲備故也

八年秋禘而致哀姜焉非禮也凡夫人不薨於寢不殯於
廟不赴於同不祔於姑則弗致也

九年宋桓公卒未葬而襄公會諸侯故曰子凡在喪王曰
小童公侯曰子

二十年新作南門書不時也凡啟塞從時

二十有三年十有一月杞子卒傳曰書曰子杞夷也不書名未同盟也凡諸侯同盟死則赴以名禮也赴以名則亦書之不然則否避不敏也

二十六年公以楚師伐齊取穀凡師能左右之曰以

三十三年葬僖公緩作主非禮也凡君薨卒哭而祔祔而作主特祀于主烝嘗禘於廟

文公元年穆伯如齊始聘焉禮也凡君卽位卿出並聘踐修舊好要結外援好事鄰國以衛社稷忠信卑讓之道也忠德之正也信德之固也卑讓德之基也

二年冬襄仲如齊納幣禮也凡君卽位好舅甥修昏姻娶元妃以奉粢盛孝也孝禮之始也

三年春莊叔會諸侯之師伐沈以其服於楚也沈潰凡民逃其上曰潰在上曰逃

七年秋八月齊侯宋公衛侯陳侯鄭伯許男曹伯會晉趙盾盟於扈晉侯立故也公後至故不書所會凡會諸侯不書所會後也後至不書其國避不敏也

十四年春頃王崩周公閱與王孫蘇爭政故不赴凡崩薨不赴則不書既福不告亦不書懲不敬也

十五年六月晉卻缺以上軍下軍伐蔡戊申入蔡凡勝國
曰滅之獲大城焉曰入之

冬十一月齊侯宋公衛侯蔡侯陳侯鄭伯許男曹伯盟于
扈尋新城之盟且謀伐齊也于是有齊難是以公不會書
曰諸侯盟于扈無能爲故也凡諸侯會公不與不書諱君
惡也與而不書後也

宣公四年書曰鄭公子歸生弑其君夷凡弑君稱君君無
道也稱臣臣之罪也

七年夏公會齊侯伐萊不與謀也凡師出與謀曰及不與

謀曰會

十年夏四月齊崔氏出奔衛書曰崔氏非其罪也且告以族不以名凡諸侯之大夫違告於諸侯曰某氏之守臣某失守宗廟敢告所有玉帛之使者則告不然則否

十六年夏成周宣榭火人火之也凡火人火曰火天火曰災

十七年冬公弟叔胙卒凡大子之母弟公在曰公子不在曰弟凡稱弟皆母弟也

十八年秋邾人戕郕子於郕凡自虐其君曰弑自外曰戕

成公八年冬衛人來媵共姬禮也凡諸侯嫁女同姓媵之異姓則否

十一年春周公楚出奔晉十二年王使以周公之難來告書曰周公出奔晉凡自周無出周公自出故也

十五年會於戚討曹成公也執而歸諸京師書曰晉侯執曹伯不及其民也凡君不道於其民諸侯討而執之則曰某人執某侯不然則否

十八年經夏楚子鄭伯伐宋宋魚石復入于彭城傳曰鄭楚同伐彭城納宋魚石向爲人鱗宋向帶魚府焉書曰復

入凡去其國國逆而立之曰入復其位曰復歸諸侯納之
曰歸以惡曰復入

襄公元年九月邾子來朝禮也衛子叔晉知武子來聘禮
也凡諸侯卽位小國朝之大國聘焉以繼好結信謀事補
缺禮之大者也

十二年秋吳子壽夢卒臨於周廟禮也凡諸侯之喪異姓
臨于外同姓於宗廟同宗於祖廟同族於禰廟是故魯爲
諸姬臨於周廟爲邢凡蔣茅胙祭臨於周公之廟

十三年夏郟亂分爲三師救郟遂取之凡書取言易也用

大師焉曰滅弗地曰入

昭公四年九月取鄆言易也莒亂著丘公立而不撫鄆鄆
叛而來故曰取凡克邑不用師徒曰取

定公八年陽虎如公宮取寶玉大弓九年夏陽虎歸寶玉

大弓書曰得

唐石經重
一得字非

器用也凡獲

句

器用曰得得用焉

曰獲